

**INATSIARTUT
OMBUDSMANDIATA
UKIUMUT
1995-IMUT
NALUNAARUTAA**

32-2Sulisitsisup oqalulluni suliassamik suliarinninnera namminerlu akilikkamik sulinngiffeqarnermut atasumik akissarsiasanik siu-moor-nissaq pillugu qinnuteqaat. Akissarsiaqarani sulinngiffeqarner-mut maleruagassanik paasinninneq.

Pisorta qarfiup naammagittaalliortumut, taanna pisorta qarfimmut saaffi-gin-nimmat, oqarasuaatikku oqaaseqaatigisimasai Sulisoqarnermut pisor-taqar-fimmi atorfeqartitap naammagittaalliutigai taamatullu akissarsias-sanik siu-moornissamik qinnuteqaammik itigartinneqarsimaneq ma-tuminnga pissuteqartinneqartoq, tassalu naammagittaalliortup akissarsias-sai iluarsiiisuteqarfigineqarsimasut pineqartup akissarsiaqarani sulin-ngiffeqarnissaanut atassuteqartumik, tak. sulinngiffeqartarneq pillugu inat-sisartut inatsisaanni § 15, imm. 2.

Naammagittaalliutip immikkoortuanut siullermut Ombudsmandi ilaa-tigut ima oqaaseqarpoq, pisortat oqartussaasoqarfiata iluani suliffigisami sulisut imminnut oqaluuttarneranni naammagittaalliutiginiakkat nalingin-naasumik qullersaralugu pisortarisamut imaluunniit suliffimmi suleqatigi-innermut ataatsimiititaliaq pilersinneqarsimasoq aqutigalugu saqqummi-unneqartaria-qartut. Taamaattorli tamanna ilutigalugu oqaatigineqarpoq il-uatsitsinerunn-gitsoq sulisitsisup tungaanit oqaaseqaatinik, naammagit-taalliortup ileqqu-lersorneranik assuarinninnertut oqaatigineqarsinnaa-sunik, saqqummerso-qarsimappat. Sulinngiffeqarnerup inatsiseqartitsiffi-uneranut naleqqiussilluni Ombudsmandi oqaaseqarpoq sulinngiffeqarneq pillugu inatsisip § 19-iat, imm.2, ullut sulinngiffeqarfissat tamarmiusumik amerlassusaat minnerpaamik ataqatigiissumik 18-iugaangata sulin-ngiffeqarnerisutissanik tamarmiusunik akiliuteqarsinnaatitsisoq, piffis-sami akissarsiaqarani sulinngiffeqarfiuvissumit sivisunerusumi akissarsias-sanik akiliuteqarnissamik unitsitsisinnaanissamut inatsisitigut tunngavis-saqartitsingitsoq (J.nr. 11.32.10.7/12-95).

Sulisoqarnermut Pisortaqarfiup suliassamik sularinninnera akissarsias-sanillu siu moornissaq pillugu qinnuteqaamik aalajangiinera pillugit A 23. april 1995-imi naammagittaalliuuteqarpoq.

1995-imi aprililip 9-ani A qullersarisatut pisortani qaninnerpaaq aqqu-tigalugu akissarsiassaminut siu moornissaminik qinnuteqarsimavoq naam-magittaallior-tup 1994-imut sulinnigiffeqarnersiutissaminik kinguartissi-masaminik akiliuteqarfigineqarnerup kingorna akissarsiassani nal.ak. 200-nik sap.ak. 5-ni sulinnigiffeqarnermut naleqquttunik iluarsiiviginittissim-aneranut atasumik. Tamatumunnga atassuteqartumik naammagittaallior-tup aningaasanik ilaannaasunik (a contomik) pingasunngornermi 12. april 1995-imi akiliuteqarnissaq qinnutigaa.

Marlunngornermi 11. april 1995-imi naammagittaallior-tup allaffimmi pisortaminut paasissutissineqarpoq qinnuteqaataa naammattumik tunngavilersuutitaqanngitsoq.

Taamaattumik naammagittaallior-tup Sulisoqarnermut Pisortaqarfimmi sulisumut oqarasuaatikkut saaffiginissuteqarpoq qinnuteqaatini suli an-nerusumik tunngavilersuuteqarfiginiarlugu. Taamatut oqaloqatigiittoqartil-lugu naammagitaallior-tup unnerluutigaa Sulisoqarnermut Pisortaqarfimmi suleqataasoq pineqartoq ilaatigut imaattunik oqaaseqarsimasoq: “Mannami inunnik ikiuiner-mut allaffiunngilaq” aamma “Aningaasaatitit aannertusaar-simassagaluarpatit, marsimmi qaammataata naanerani nal.ak. 200-nik ilan-gaassivigineqarumasimagavit”.

Naammagittaallior-tup 18. april 1995-imi allakkatigut nalunaarfigineqar-poq qinnuteqaataa itigartitsissutigineqartoq.

Sulisoqarnermut Pisortaqarfik suliarnut 1995-imi junip aallaqqaataani oqaaseqaateqarsimavoq aammattaarlu suliarni pappiarat takussutissat as-silinerinik nassiussisimalluni.

Pisortaqarfik oqaaseqaatigisamini ima allappoq:

“...Oqarasuaatikkut A-mik oqaloqateqartarsimanerit pillugit allattuiso-qarsimannigilaq, Pisortaqarfiullu siunertarisamut naleqquttuusorinnigilaa oqaloqatigiittarsimanerit taakkua inunnit akuliusimasunit qanoq paasineqarnissaat pillugu akerleriissuteqalissappat.

Sulisoqarnermut Pisortaqarfiup A’p naammagittaalliuutaanut oqaatigis-savaa sulinnigiffeqarnersiutissamik kinguartitanik akiliuteqarnissamik un-nersuussineq tamannalu peqatigalugu taassuminnga ilanngaateqarneq pis-sasoq feriarneq pillugu inatsisartut inatsisaanni nr. 22-mi 25. oktober 1990-imeersumi § 15, imm. 2 naapertorlugu, imatut oqaasertalik:

“Taamaattoq suliner-mik inuussutissarsiteqartut immikkoortoq 1-imi (akissarsiaqarani (pisarnertut) feriarnissaq akissarsiaqarlunilu feriarnissa-mut taarsiullugu sulinnigiffeqarnersiutissat immikkut ittut pillugit imaqar-toq) taaneqartut ukiup feriessanik katersiffiup aallartinnginnerani, kin-gusinenrpaamilli 1. oktober ukioq feriessanik katersivik sioqqullugu,

ukiumi feriessanik katersivimmi tassani akissarsiat tunngavigalugit ferarnerassiassat piumasinnaavaat”.

Qaamatisiutit ukiuanni 1994-imi sulinngiffeqarnissamut ullunik katersiffiusumi akissarsiaqarluni sulinngiffeqarnermut (sulinngiffeqarneriummillu immikkut ittumik januarip qaammataata naanerani akiliutigineqartusamik) taarsiullugu kinguartitanik sulinngiffeqarneriuteqarluni sulinngiffeqarnissani qinnutigisimavaa. Sulinngiffeqarneriuteqartissanik kinguartitanik siusinnerusukkut A tigusaqarsimavoq nalunagulu taakkuninnga akiluteqaqqusineq peqatigalugu akissarsiasanit ilanngaateqartoqassasoq piffissamut, ukiumi sulinngiffeqarnissamut ullunik katersiffiusumi sulinngiffeqarneriuteqartissanik kinguartitanik katersiffiusimasumi pisassanut naleqqut-tunik. Ukiumik sulinngiffeqarnissamut ullunik katersiffiusumik tamarriusumik kinguartitsinermi, tassa imaappoq sap.ak. 5-ni sulinngiffeqarnissamik katersinermi, taakkua nal.akunnerinut suliffiusunut 200-nut naleqqupput.

Soorlu Sulisoqarnermut Pisorta qarfiup A-mut allakkiaani ilisimatitsissutigineqarsimasoq A’p sulinngiffeqarneriuteqartissaa kinguartitaq akissarsiasanit ilanngaatigineqarsimasunit annerujussuuvoq, taamaalillunilu A’p nammineq kissaateqarnermigut sulinngiffeqarneriuteqartissanik kinguartitanik ilaannaasumik akiliuteqarfigineqaqqusisimannikkaluaruni aningaasanik ilanngaatissat ilangaatigereerlugit annertussutsimikkut akissarsiasanik nalinginnaasumik akiliuteqarfigineqarnermininngarnit amerlanerungaatsiartunik 1995-imi martsip qaammataani A akiliuteqarfigineqarsimassagaluarpoq. Allaammi akissarsialeriffimmi sulisut A kalerrissimavaat aningaasanik a contomik akiliuteqarfigineqarnissamik qinnuteqarnek akuerineqarpat A aningaasat tungaatigut ajornartorsiuteqalersinnaasoq.

Sulisoqarnermut Pisorta qarfiup paasinninnerivaa A’p naammagittaalliuutimini eqqartuussisaaseqarnek pillugu inatsimmut unnersuussinera paasisanik assigiinngitsunik akuleriissitsinerusoq, pisoqarnermimi taassumani akissarsiasanik unitsitsinerpiaq pineqanngimmat, taamaattumillu eqqartuussisaaseqarnek pillugu inatsisip aalajangersagartai suliasamut tassunga pingaaruteqaratik...”.

Aammattaaq naammagittaalliortoq allakkani 2. juni 1995-imeersuni Sulisoqarnermut Pisorta qarfiup oqaaseqaataanut tapertaasunik oqaaseqarsimavoq.

Allakkatigut 17. juli 1995-imeersutigut Sulisoqarnermut Pisorta qarfiimmut saaffiginnissuteqartoqaaqissimavoq paasissutissanik piviusunik erseqqinnerusumik paasissutissinneqarnissaq qinnutigalugu.

Pisorta qarfiup allakkani 24. juli 1995-imeersuni erseqqinnerusumik paasissutissiissutissat kissaatigineqartut taakkua nalunaarutigisimavai.

Suliap ingerlanneqarnera tunuliaqutaralugu allakkani 27. juli 1995-im-eersuni Sulisoqarnermut Pisorta qarfirmut naammagittaallortumullu imaattunik oqaaseqaateqarsimavunga:

“Naammagittaalliummi pissutsit imaattut marluk sularisimavakka:

Siullermik Sulisoqarnermut Pisorta qarfiup tungaaniit oqarasuaatikkut kiffartuussineq/suliamik sularininneq

aamma

aappasaanik akissarsiani siu moornissamik akuersiumannginneq.

Pissutsit siullermut tunngasut pillugit malugisimavara Sulisoqarnermut Pisorta qarfik oqarasuaatikkut oqaloqatigiissutinik maalaarutigineqartunik allattuisimanngitsoq.

Pisortat oqartussaasoqarfiisa suliami naammassisaanernik pingaaruteqartunik tamanik, allaffigeqatigiinnermi allakkani suliamiluunniit uppersaatissanit allanit takuneqarsinnaanngitsunik, allattuisussaati-taanera pillugu inatsisitigut tunngaviliussat nalinginnaasut atuupput.

Allattuisussaataitanermik taassuminnga maleruaaneq pisortat eqqortumik iliuseqarsimanerannik sunniuteqarluartumik nakkutilliinermut tunngavissaavoq.

Taamaattumik isumaqarpunga iluaqutaasimassagaluartoq naammagittaallortup, A-p, Sulisoqarnermullu Pisorta qarfirmi sulisup, B-p, akornanni oqaloqatigiissimaneq maalaarutigineqartoq pillugu allattuisoqarsimagaluarpat, naammagittaallortup B-mik oqaloqateqartilluni suliami isummaminik nalunaarutiginninnerminik issuaanera eqqortuuppat.

Aammattaaq naammagittaallortup oqarasuaatikkut oqaloqatigiissutigineqartut pillugit paasissutissiisutigisai tunngavigalugit takuneqarsinnaanngilaq paasissutissanik suliap aalajangiiffigneranut pingaartuusunik, Sulisoqarnermut Pisorta qarfiup akissarsiasani siu moornissaq pillugu naammagittaallortup qinnuteqaataanik itigartitsissummini isuarneqarsimanngitsunik, saqqummersoqarsimanersoq.

Aammattaaq imaattup oqaatiginissaanut pissutissaqarsoraara, pisortat ingerlatsineranni sulisorisat naammagittaallortunik, qinnuteqaateqartunik allanillu atorfirmi sulinermut atasumik allakkatigut oqaatsitigullu attaveqarnerni suugaluartuniluunniit nammineq eqqortuusorisaq malillugu suliamik paasinninnermik imaluunniit pissutsit suliambut tunnganngitsut pillugit oqaaseqaatinik allanik saqqummiussequsaanngitsut.

Oqarasuaatikkut oqaloqatigiissutinik maalaarutigineqartunik taakkuninnga naammagittaallortup nammineq issuagai tunngavigalugit isumaqarpunga Sulisoqarnermut Pisorta qarfiup oqaaseqaatigisai “ingerlatsinermi ileqqussamik kusanartumik” paasinninnermut annertuneruskut piviusunngortitsisut. Taamaattorli iluatsitsinnginnertut isigisariaqarpara Sulisoqarnermut Pisorta qarfiup sulisui naammagittaallortup nammineq inuinnartut aningaasaqarnerminik aalajangiiviginnissinnaaneramik

nalilersuinernik soorlu imaattunik oqaaseqaateqarnikkut "Aningaasaatitit aannertusaarsimassagalarakkitt" ersersitsisimassapata oqaaseqarnermilluunniit imaattunik "Sulisoqarnermut Pisortaqarfik inunnik ikiuiner-mut allaffiunnigilaq" oqaaseqarsimassagalarpata.

Naammagittaalliutit immikkoortuanut tassunga naggasiullugu siunnersuutigisimavara naammagittaalliortoq ajornanngippat salliutillugu siunissami naammagittaalliutaasinnaasunik allaatigineqartutut pissusiliniq qullersaralugu pisortaminut qaninnerpaasaminut naamagittaalliortorluunniit suliffiani suleqatigiinnermut ataatsimiititaliaq pilersinneqarsimasoq aqqutigalugu naammagittaalliuteqartassasoq.

Pissutsit naammagittaalliutit immikkoortuata aappaanut tunngasut pil-lugit oqaatigissavara akissarsianik siumoorutissanik tjenestemandinut akiliuteqarnermut najoqqutassatigut tunngavissaammat Kalaallit Nunaanni Namminersornerullutik Oqartussani kommuninilu tjenestemandit pillugit inatsisartut inatsisaanni nr. 5-imi, 14. maj 1990-imeersumi § 58, taanna malillugu tjenestemandi aatsaat pisimasuni immikkut illuinnartuni pisariaqarluinnartunilu qularnaveeqqusiinertaqanngitsumik maleruaqqusat Naalakkersuisunit aalajangersarneqarsimasut malillugit akissaatiminik siu-moorsinnaatitaalluni.

Inatsisartut inatsisaata taannaasup § 65-ia, allaffissornermi inatsisitigut inassutit pisoqaaneruset atuutsiinnarnissaat pillugu ikaarsaarutaasumik aalajangersagaasoq, naapertorlugu akissarsiani siumoorutininik akiliutit pil-lugit Nammainersornerullutik Oqartussat nalunaarutaat nr. 30, 31. januar 1983-imeersoq nangilluni Namminersornerullutik Oqartussat tjenestemandi-inut atuuppoq.

Maleruaqqusat taakkua malillugit taamaallaat akissarsianik siumoorutis-sanik akiliuteqartoqarsinnaavoq 1) qaqutigootumik pisumik 2) akissarsias-sanik aqutsiffimmut sukumiisumik tunngavilersuuteqarluni qinnuteqaate-qarnerup kingorna aamma 3) direktørip/atorfeqarfimmi pisortap akisussaa-sup ilaliineratigut.

Suliami tassani siu-moornissamik itigartitsineq "pisimasumi pissutaaqataasunik immikkut ittunik taamaattunik toraagassat atuuttut sani-oqqunnissaannut tunngaveqartitsinnaasunik" pissutissaqannginneranik un-nersuussilluni nalunaarutigineqarpoq.

Suliami pappiaranit atortussanit misissorsimasannit erserpoq A 1995-imi martsip 8-ni akissarsialeriffimmut allagaqarsimasoq sapinngisamik pi-aarnerpaamik ajornanngippallu ulloq taanna sulinngiffeqarner-siutisiasami kinguartissimasami 1994-imi katersorsimasami akiliutigineqarnissaat qin-nutigalugu, A-mmi 1995-imi martsip 13-ianiit 26-ata tungaanuugallartoq sulinngiffeqartussaanini taagamiuk.

Ulloq taanna akissarsiassanut aqutsiffiup aningaasat ilaannaasumik tunniussassat 7.500 kr.-nik amerlassusillit naammagittaalliortup sulin-ngiffeqarner-siutissanut katersorsimasaanut naleqquttut aningaasanik,

akissarsiassanut naammagittaalliortup sap.akunnerinik sulinngiffeqarfisanik katersorsimasaminik 5-nik sulinngiffeqarnermigut pinngitsoortari-aqagaanut naleqquttunik, ilanngaaffigisat akiliutigai.

A martsip 9-ani akissarsiassanik aqutsiffimmik oqarasuaatikkut isumaqatigiissuteqarpoq sulinngiffeqarnermut katersorsimasat tamakkerlutik akiliutigineqassasut, akissarsiqaqaranilu sap.ak. 5-ni sulinngiffeqar-nissaq pillugu aatsaat tullianik akissarsiassanik akiliuteqar-nissami siullermi iluarsiisoqassasoq.

Matuma kingorna qaammammusiassanik nalinginnaasumik allagarsiinermi tullermi siullermi akissarsiqaqarani nal.ak. 200-ni sulinngiffeqar-nissamut iluarsiissuteqartoqarpoq, taamatuttaarlu sulinngiffeqarnermut katersukkanik akiliuteqartoqarluni aningaasanik a contomik akiliutigineqarsimasunik naqqiinertalimmik.

Feriarneq pillugu Inatsisartut inatsisaanni nr. 22-mi, 25. oktober 1990-imeersumi, Inatsisartut inatsisaatigut nr. 12, 30. oktober 1992-imeersukkut allanngortinneqartumi, § 19, imm. 1-imit erserpoq sulinngiffeqarnermut katersat ukiup sulinngiffeqarfisanik katersiffiup naareernerani sulinngiffeqarfissaq sioqullugu kingullermik akissarsisitsinermut ilanngullugit tunniunneqartassasut. Aalajangersakkap taannaasup imm. 2-anit erserpoq feriarneriassaq tamakkerlugu tunniunneqarsinnaasooq, ullut feriarfissat ataatsimut ataannartumik sivikinnerpaamik ullut 18-iuppata.

§ 19, imm. 1-imut, inatsisip 1992-imi allanngortinneqaneragut ullumikkut oqaasertaminik oqaasertaligaasumut, oqaaseqaatini ima allassima-soqarpoq:

“Taamatut allannguuteqartitsinik erseqqissarumaneqarpoq sulinngiffeqarnermut akiliuteqarneq aatsaat akissarsiassanik akiliuteqarnermi, sulinngiffeqarnerup aallartinnissaa sioqutitsiarlugu pissaniami, pissaniasooq. Sulinngiffeqarnermut akiliuteqarneq taamaalluni akissarsiat immikkoortuinik allanngortinnissaa pissaniamisoortumik akiliuteqarnermut ippoq, taamaalluni aamma piffissarititat akissarsiat immikkoortuinik allanngortinnissaa akiliuteqarnermut atuuttut assinginik siumut kalerriuteqar-nissaq naatsorsuutigineqarluni”.

Tamanna tunuliaqutaralugu tunngaveqartumik paasisariaqarpara sulinngiffeqarnermut inatsiseqartitsinermi naatsorsuutigineqartoq sulinngiffeqarnermut kinguartitanik akiliuteqarnermut qinnuteqarneq akissarsisitseriaaseq aqutugalugu akiliuteqarnermut ajornarunnaarsitsisumik siumut kalerrilluni nalunaaruteqartoqassasoq.

Taamaallunga isumaqarpunga a contomik akiliuteqarnerit 7. 500 kr.-nik aamma 10.600 kr.-nik aningaasartallit taakkua, naammagittaalliortup Sulisoqarnermut Pisortaqarfimmik isumaqatigiissuteqarsimanermi kingorna pisarsisaasa, akiliutiginnissaannut inatsisitigut tunngavissaqarsimanngitsoq.

Aammattaaq § 19-imi, imm. 2-p nassataraa naammagittaalliortoq ulluni 14-ini sulinnigiffeqarnerinnarmini sulinnigiffeqarnerisutissat ilaannik naammaattunik akiliuteqarfigineqarsinnaatitaasimagaluartoq. Taamaattumik tamakkiisumik paasinninnerivara 1995-imi aprilip aallaqqaataani akissarsiassanik akiliuteqarnermi aningaasanik a contomik akiliutigineqarsimasunik taakkuninnga iluarsiissuteqarneq a contomik akiliuteqarfigineqarnisamat nutaamat illersuutaasinnaangitsoq.

Akissarsiaqarani sulinnigiffeqarnermut iluarsiissuteqarneq pillugu tamanna sulinnigiffeqarnermik inatsiseqartitsinermi oqaatsini atorneqartu-niippoq, tassalu akissarsialik pisoqarnermi tamatumani piffissamat sulinnigiffeqarfiuvissumut akissarsiassanik akiliuteqarfigineqarsinnaangitsoq, taamaattumillu akissarsisiteriaaseq aqutigalugu iluarsiissuteqarneq taanna akissarsiani ilanngaunerunngitsoq, taarsiulluguli akissarsisiteriaat-sip sulinnigiffeqarnerup nalaani akissarsiassanik akiliuteqarto-qartussaanginneranik teknikkikkut nalunaarsuineranut ersiutaasoq.

Iluarsiiviginnittoqarsimaneranut taarsiullugu A'p akissarsiassaanik 1. april 1995-imi akiliuteqarneq kisimiilluni akissarsiaqarani nal.akunenrini 80-ini sulinnigiffeqarnermut iluarsiissutaasimasariaqaraluarpoq, sap. akunen-nerinut 2-nut sulinnigiffeqarnerisutissanik kinguartitanik taamaallaat akiliuteqartoqarsimasariaqaraluarnera peqatigalugu.

Taamaattorli ilanngaattissat ilanngaatigereerlugit inernek qularnanngit-sumik aningaasat ilanngaattissat ilanngaatigereerlugit amerlassusiannit, naammagittaalliortup ilumut 30. marts 1995-imiit atorsinnaasaanit, allaassuteqangaarsimassanngikkaluarput.

Taamaattumik akissarsiassanik siumooqinniarnepup itigartitsissutigineqarsimaneranik naammagittaalliuut pillugu ataatsimut kattussillunga paasisariaqarpara naammagittaalliortoq siumoornissamik 9. april 1995-imi qinnuteqarnini naapertorlugu siumoornissaminut pisussaasi-manngitsoq.

Aammattaaq suliامي pappiaranit takussutissanit erserpoq naammagittaalliortup qinnuteqaataa 9. april 1995-imeersoq A'p pisortaanit ilaleneqarsimanngitsoq. Pissut taanna Sulisoqarnermut Pisortaqarfiup naammagittaalliortup qinnuteqaataanik itigartitsineranut sunniuteqarsi-mappat, tamanna Pisortaqarfiup tunngavilersuutaani imarineqartari-aqaraluarpoq.

Kisiannili suliassap ingerlaneranik ataatsimut nalilersuinerana tunngaviga-lugu Sulisoqarnermut Pisortaqarfiup naammagittaalliortup siumoornissa-mik qinnuteqaataanik aalajangiineranut isornartorsiuinissamat tunngavis-saqarsorinngilara.

Taamaattorli suliap ingerlanneqarsimanerata isumaliutiginninnernik tamanut tunngasunik imaattunik saqqummiussinissannut pissutissaqaler-sippaannga.

Akissarsiassani siumoornissaq pillugu maleruagassat atuuttut pisoqalisimapput, isumaliutigineqartariaqaleraluarporlu tamatuma tungaa-

tigut maleruagassanik nutarterinissamut piffissanngunnginnersoq, minnerunngitsumik tjenestemandit pillugit inatsimmi § 58 siuliini eqartorneqartoq nutaanerulluni atuuttoq “Nalunaarut nr. 30, 31. januar 1983-imeersoq” eqqarsaatigalugu.

Aammattaaq suliami matumani suliap ingerlanera sulinngiffeqarnersiutissanik kinguartitanik akiliuteqarnermut maleruagassat aammalu akissarsiaqarani sulinngiffeqarnermut atasumik akissarsiani iluarsiiviginninnermi periaasiusup erseqqinnerusunngorsarnissaannik pisariaqartitsinerup tungaanut uparuaasorinarpoq.

Toqqartumik pisumik isumaqarpunga erseqqinnerusunngorsaanissaq pisariaqartinneqartoq annertunerusutigut ilitersuineq, kaajallaasitaliorneq assigisaannilluunniit iliuseqarneq aqutigalugu pilersinneqarsinnaassoq.

Pisoqarnerni, tamatumani sap.ak. 5 sulinngiffeqarfissat tamakkerlugit sulinngiffeqartoqarani, sulinngiffeqarnersiutissamik tamakkiisumik akiliuteqarnermi periaasiusup tungaa pillugu, tak. feriarneq pillugu inatsitsisartut inatsisaanni § 19, imm. 2, paasinninnerivara inatsit piffissami sulinngiffeqarnivimmit sivilunerusumi akissarsiassanik akiliuteqarnissamik unitsitsinissamut ullumikkut periarfissiinngitsoq.

Taamaattumik Sulisoqarnermut Pisorta qarfiup paasinninera imaappat pisoqarnerni, tamatumani sulinngiffeqarnersiutissat kinguartitat tamarmik ataatsikkut akiliutigineqarlutik, tamani taakkua nalingannik akissarsiasanik sap.ak. 5-ni unitsitsisoqassasoq, taava feriarneq pillugu inatsimmi tamatuma tungaata allanngortinniarnissaa isumaliutigineqartariaqarpoq”